

CARMEN

Aut illustrior est, Sic legibus undiq; iustis
 Constat, & omnibus officijs pulcherrimus ordo est,
 Tam bene constituit sapientia summa Senatus
 Singula, tam pulchrè celebris doctrina potentum
 Ornat, & imperio genuinum adiungit honorem,
 Et leges sanctas, & honestas excolit artes.
 Hæc merita agnoscenda uiris prudentibus, atq;
 Inscribenda cedro, famæq; perennibus annis,
 Perpetuumq; superstribus memoranda Camœnis,
 Quæ regnis pulsæ proprijs, Helycone relicto,
 Hic profugæ inuenere locum sapientibus aptum,
 Tranquillisq; choris, Musis & Apolline dignum.
 Illud ut officium præstet, uenerande Senatus,
 Vranię meritis, & honoribus aucta tot annos
 Norica in urbe tibi, & claris maioribus olim,
 Hæc iussit luciç; nouæ monumenta, tuisq;
 Laudibus æternis, famæq; dicare perenni,
 Ingenio docti quondam dictata Schoneri.
 Ut tua, quæ reliquæ toties celebrare sorores
 Diuersis studuere modis coniungeret ipsis,
 Nomina sideribus iam non noua Norica summis,
 Et latè sub utrosq; polos fulgentis Olympi
 Spargeret, & famæ daret hunc cœlestis honorem,
 Ut quicunq; polos discet monstrante Schonero
 Astrorumq; uias, orta atq; cadentia signa,
 Et secreta poli quæreret cum motibus ipsis,
 Legibus æternis certisq; regentibus orbem,
 Hæc legat, & memori grates sic mente reponat,
 Esse aliquem in terris populum clarumq; Senatum,
 Qui iuuet atq; ornnet cœlestia dona benignis
 Sumptibus, & studio diuina Mathemata summo
 Excolat, ac memori commendet posteritati.
 Hæc de te celebrent & primus & ultimus orbis,
 Quà uel ad Eoos spacious panditur Indos,
 Occiduisüe iacet quâ campus amœnus in undis,
 Nomine ab Atlantis magni celeberrimus, aut quâ
 Arida decluem tellus dependet in Austrum,
 Aut Aquilonares gelidissima surgit ad Arctos.
 Deniq; quicunq; ista legent monumenta Schoneri,
 Quâcunq; incedant, habitent quibus orbis in oris,
 Huic grates referant urbi, meioriç; Senatum

Mente